



# LA PACDEFENDANTO



N-o: 31-32. NEREGULA INFORMA CIRKULERO POR ĈEĤOSLOVAKIO Jul.-Aug. 1954

## MORTIS KAMARADO

La 12. de junio 1954 en la 8. horo matene subite forlasis niajn vic-ojn unu el niaj plej aktivaj kamaradoj, Rudolf Z a n á š k a el urbo Kopřivnice en ago de 47 jaroj. La sorto volis, ke ĵus en momento kiam li intencis trapasi pordegon de granda automobil-uzino TATRA en urbo Kopřivnice, kie li estis okupita, subite enveturis peza ŝargautomobilo kun sablo. Vidinte tion li saltis malantaŭen de la pordego por fari liberan vojon al la automobilo. De multa pluvo moligita vojo kaŭzis klinigon de la peze ŝargita veturilo kontraŭ la pordego malantau kiu k-do. Zanaška sin kaŝis kaj tiu estis forte premita kontraŭ la muro. La sekvo estis disrompitaj ripoj, kiuj tre verŝajne enpenetris en lian koron su pulmon, ĉar post kelkaj minutoj, kiam oni transportis lin en lokan hospitalon finigis lia vivo.

K-do. Rudolf Z a n á š k a estis unu el la malmultaj esperantistoj, kiu en senlaca laboro por Esperanto kaj la mondpaco oferis sian tutan liberan tempon kaj ofte eĉ noktojn, kiam tio estis necesa. Neniam li rifuzis plenumi laboron kaj neniam li plendis pro troa okupiteco. Kion aliaj ne povis fari, tion faris li mem. Li estis modelo en la Esperanto klubo en Kopřivnice kaj la plejbona konsilanto por ĉiu, kiu kun peto al li venis. Zanaška ne nur estis alte ŝatata kaj amata de ĉiuj esperantistoj, sed ankaŭ la neesperantistaj k-dojoj en la uzino, laborejo kaj organizoj lin multe estimis kaj amis.

Kiam la Esperanto-ligo en Praha likvidigis estis Zanaška en Kopřivnice, kiu diris kategorie "NE!" kaj daurigis per senlaca persisto la laborojn de sia grupo, kiun li sukcesis aligi al la uzina kultura klubo por povi lege daurigi. sub lia honesta gvido la grupo vivas ĝis nun, daŭre kreskas kaj estas modela inter la aliaj grupoj de la regiono Ostrava. Dank al k-do. R. Zanaška fondiĝis la unua Esperanto muzeo en Ĉeĥoslovakio en Kopřivnice, kiu daŭre ekzistas kaj komplet-

iĝas. Krom tio li zorgis pri Migrant-pacekspozicio de LA PACDEFENDANTO, kiun li disponis al ĉiu petinto.

Antaŭ monatoj, kiam estis minacita la plua apero de nia cirkulero, li kaj k-ĉino Hrková decidis plue zorgi pri ĝia eldonado kaj distribuado. Ambaŭ gek-dojoj pro sia revolucia kaj progresema vidpunkto kaj scioj, gis la plenan konfidon kaj aprobon de la sindikata klubestraro, kiu donis sian konsenton al ilia poresperanta kaj porpaca agado. Dank al tio niaj legantoj ankoraŭ ricevas sian cirkuleron.

Nekompareblan doloron eksentis ĉiuj esperantistoj-pacdefendantoj kiam ili kunvenis la 15. de junio ĉirkau la 16. horo kiel funebraj gastoj antaŭ la hejmo de la morta k-do. Rudolf Zanaška. Amasaj florkronoj kun verdaj kaj rugaj rubandoj ornamis la funebran veturilon tiratan de du ĉevaloj survoje al la loka pregejo. Kiam la uzi-na kapelo ekludis funebran marŝon ekmovigis procesio de pli ol 800 homoj, inter ili grandparte esperantistoj el la tuta regiono. En la tombejo antaŭ la ĉerko dum

forta pluvo eksonis la funebraj paroladoj en ĉeĥa kaj internacia lingvo. Parolis k-do. de la E-ron-deto en Kopřivnice, por la regiono Ostrava k-do. Slaný, en la nomo de MEM adiauis kun k-do Zanáška k-do. Burda el Elzen, kiu ankau me-tis florkronon sur la tombon kun verda rubando kaj Esp-lingva surskribo: "LASTAN SALUTON DE LA MONDPACA ESPERANTISTA MOVADO" kaj reprezentantoj de la muzeo kaj de uzinaj organizoj. Fine katolika pastro akcentis ĉiujn meritojn de la mortinto, substrekante liajn favorajn kaj utilajn klopodojn por Esperanto kaj por la mondpaĉo. La funebra ceremonio malgrau la forta pluvo daurigas la 18 kaj 1/2 horo. Dank al k-dino M. Hřčková ĉio procedis en plej modela ordo kaj tuj post la funebro la lokaj esperantistoj kun siaj esp-gastoj kunvenis en la klubejo por decidi pri la plua agado de sia rondeto. Oni aprobis unuanime, ke k-dino Marta Hřčková estu la ideologia gvidantino de la rondeto kaj kelkaj gek-doĵ tuj aligis sin afable subteni per aktiva kunlaboro. La esperantistoj en Kopřivnice kolektis monon por florkrono el kiu restis 350.-Kĉs, kiujn ili decidis, honore al la klopodoj de k-do. Zanáška, uzi por propagando de Esperanto. La ĉeestintoj promesis daŭre zorgi pri la dis-tribuado de LA PACDEFENDANTO kaj estontę lau ebleco transpreni ankau gnan multobligadon.

Kamarado Zanáška mortis - sed liaj klopodoj ne estis vanaj. Ideologie de li edukita kolektivo honore al la morta k-do daurigos kun komunaj fortoj la de li komencitan verkon, kaj la nomo Rudolf Z a n á š k a daŭre impulsos al ankoraŭ pli aktiva kaj persista batalo por la fina venko de Esperanto por garantii la mondpacon.

Rud. Burda

#### ADMINISTRATIVAJ MALHELPOJ DEVAS MALAPERI !

La kultura komisiono de la Monda Paktkonsilantaro kiu kunvenis en eksterordinara kunsido la 24-28. de majo en Berlino rekomendis jenan rezolucion :  
1/ La lastaj monatoj eminentis per iniciatemaj sukcesoj en la

sfero de kulturaj interesangoj. Okazis kelkaj kongresoj de spiritaj laborantoj, prezentigis sukcesoj en la sfero de teatroarto kaj kinematografio, vizitoj de delegitaroj, estis festitaj la datrevenoj de grandaj personoj kaj eminentaj verkajoj, okazis kunvenoj de instruistoj, artistoj, studentoj, sportuloj ktp. Ĉi ĉio argumentas, ke la nacioj deziras interesangi la fruktojn de siaj laboroj kaj teknikaj progresoj kaj ankau la sukcesojn en la sfero de arto kaj scienco.

2/ Samtempe naskigis kaj disvastigas grandaj naciaj movadoj, kies celoj estas evoluigi la folkloran kulturon de ĉiu lando kaj igi la homajn sciojn proprajo al la plejlarĝaj popolamasoj. Tiuj movadoj starigas kontraŭ ĉiu ajn subpremo de naciaj kulturoj, ĉar similaj eksperimentoj estas atakoj kontraŭ la landa suvereneco, kaj klopodas kontribui al kreado de tiaj verkoj, kiuj pliriĉigas la kulturen trezoron de ĉiu nacio kaj kontribuas al disvastigo de internaciaj rilatoj.

3/ Tiuj rezultoj atingitaj en la sfero de kulturaj rilatoj kaj evoluo de naciaj kulturoj, kvankam gojigaj, tamen ne estas kontentigaj rilate al la nunaj eblecoj. Ankorau ekzistas multaj baroj, kiuj malhelpas al la popoloj plene elĉerpi la homan prudenton. Estas ne pensebla, ke eblas ankoraŭ krei administrativajn au politikajn barojn, malhelpe ante liberan esprimon de ideoj, translokigon de homoj kaj interesangon de kulturaj verkoj. Tiuj ĉi baroj devas malaperi !

Ili malaperos, se ĉiu homo, kiu amas la kulturon, konsciigos pri sia respondeco kaj persiste subtenos ĉiun ajn iniciativon venantan de kie ajn kun la celo likvidi tiujn ĉi barojn en la intereso de la plua evoluo de la nacia kulturagado kaj plivastigado de reciprokaj interesangoj. La deziro de la nacioj estas, ke la kulturo servu al interamikigo kaj paco inter la popoloj.

Ni publikis ĉi rezolucion, por ke ĝi servu al niaj gek-doĵ. en lokoj, kie ankoraŭ ekzistas la cititaj administrativaj au politikaj baroj k. malhelpoj.

Ĝin ili povas uzi kiel trafan argumenton en ilia rezista batalo kontraŭ la homoj, kiuj malhelpas al la esperantista pacmovado en iuj landoj.

ĜENEVO = 0 : 0

Denove montriĝis veraj la vortoj de kamarado Stalin, nome: ke la paco estos garantiota nur tiam kiam la popoloj mem prenos gian defendon en siajn manojn.

Ĉiuj homoj povis konvinkiĝi, ke la rezultoj akiritaj dum 51 tagaj traktadoj en la geneva konferenco egalas nulon.

51 tagojn diversaj ministroj, diplomatoj kaj armeo da ĵurnalistoj, tradukistoj, ktp. gaje diboĉadis, prezentante unu partio al alia senĉesajn bankedojn dum kiuj oni mangegis kaj drinkadis, ĉazirante unu al la alia sukcesan agadon en la konferenco, sed finfine el tiu longtempa agado naskigis nur granda nulo. La konferenco finiĝis, ĉar la du kunvenintaj partioj ne kapablis interkonsenti finigi la sensencan hordobudon en Koreio k. Indonezio.

Korea ĵurnalo "NODON SIMUN" skribas:

La konferenco fiaskis kaŭze de senĉesa persisteco de la usonaj reprezentantoj kaj iliaj satelitaj ŝtatoj, kiuj jam de komence kontrauis ĉiujn konstruktivajn proponojn de la korea kaj ĉinia popol-respublikoj kaj Sovjetunio. La usonaj imperialistoj kaj la regantaj klikoj de iliaj satelitaj landoj estas nun respondecaj pri la geneva fiasko.

Kion skribas la ĵurnaloj de la alia partio, ni ankoraŭ ne eksciis sed ni opinias, ke verŝajne same ili ŝovas nun la kulpon je la Sovjetunio por povi daŭrigi en tiu ĉi belga komedio, kiu alportas por ili daŭran profiton kaj por la popoloj mizeron kaj mortem.

Burda Rudolf

EL NIA FRATA ORGANIZO

El Wroclaw, la filio de la Pola Esperantista Ligo ni ricevis jenan interesan raporton:

„Sur nia modesta posteno ni faras nian plejeblon en la konataj kondiĉoj. La vivo de nia grupo ne abundas je okulfrapaj sukcesoj, sed ni konscias, ke ni faras laŭ niaj eblecoj -gravan kaj bezonan laboron. La kunvenoj /ofte kun in-

teresa programo/ okazas regule ĉiusemajne, ankaŭ regule funkcias kursoj por konencantoj dufoje en la jaro. Dum somera tempo ni arangas turismajn kaj ripoz-ekskursojn.

Nia eldonado, kiu en la antaŭaj jaroj bone funkciis, iom stagnis dum la pasintaj 12 monatoj. Pro internaj teknikaj malfacilaĵoj ni ne sukcesis jam de post pli ol unu jaro eldoni nian esperantolingvan bultenon "Vroclavano", sed espereble post ne longe ni tamen aperigos tiun bultenon. Same ni esperas povi baldaŭ eldoni la 4an n-on. de nia pollingva gazeto "Glos Esperantistow". Laŭ instigo en la 7a n-o. de PACO ni ankaŭ sendis salutletaron al la 10a kongreso de la Ĉeĥoslovaka Komunista Partio.

NIAJ KONTAKTOJ KUN LA NACIA

PACMOVADO

En Ostrava kontaktis k-doĵ Lička, Škvrna kaj Kočvara kun reprezentanto de la loka pacmovado koncerne kunlaboro kun la esperantistaj pacdefendantoj. La definitivaj agadoj devis esti prokrastitaj pro la ĵus kurinta balota kampanjo.

En Doksy niaj kamaradoj sukcesis akiri la distriktan packomitaton por akcepti protektoraton pri la Somera Esperanto Kolegio /kursoj/ okazantaj de 15 julio en Doksy.

En Opava daŭre kunlaboras niaj kamaradoj kun la loka packomitato sub gvido de k-do. Frantl. En Plzen post longdaŭra traktado finfine la regiona packomitato invitas regule niajn reprezentantojn al siaj entreprenoj. La prezidanto de tiu komitato ankaŭ promesis kunlabori okaze de vizito de aŭstralia pacdefendanto d-ro. Ben Cass kun la lokaj esperantistoj.

Certe ankaŭ jam en aliaj lokoj niaj grupoj sukcesis ielmaniere ligi kontakton kun la loka pacmovado, sed bedaŭrinde ili ĉiam forgesas sendi al ni siajn raportojn. Ni esperu, ke por la venonta n-o. vi tiel faros.

FOR LA MANOJN DE GVATEMALA!

En la lasta monato okazis krima agreso kontraŭ la sendependeco kaj nacia suvereneco de la popolo gvatemala. La atako estis inscenita de la usonaj „United Fruit Company” trustoj, kiuj pro la decidoj de la progresema registaro en Gvatemalo timas perdi la gisnunajn privilegiojn ekspluati senkompate la gvatemalan popolon. La registaro faris decidojn por plibonigi la situacion de sia popolo, tuŝinte iomete la profitakiremajn poŝojn de la amerikaj kapitalistoj. Tio ilin tregge kolerigis kaj sekve ili arangis puĉon kontraŭ registaro de pacama popolo, kiu mem neniel enmiksighis en aferojn de aliaj landoj.

Kiel apostoloj de nia majstro L. Zamenhof, kiu kreis la lingvon por atingi pacon inter la popoloj, ni sentas la devon akre protesti kontraŭ tiu ĉi nova agreso de usonaj kapitalistoj kaj vokas insisti: For la krimajn manojn de Gvatemala!

Ni vokas samtempe ĉiujn amerikajn esperantistojn, kiuj sincere sekvas la vojon de nia majstro, ke nun ili havas trafan okazon laŭtigi siajn voĉojn kontraŭ malamiko de paco en sia propra kontinento. Estas la sankta devo de ĉiu amerika esperantisto per sia tuta forto apogi la volon de la pacama gvatemala popolo kaj diskonigi k. kontraŭbatali tiun ĉi novan krimon de la usonaj kapitalistoj, por ke la popoloj de ĉiuj amerikaj landoj solidarece helpu kaj subtenu la pacaman Gvatemalon.

GRAVA KONTRIBUO AL LA PACO

Por la II. dimanĉo de julio la Franca pacmovado proponis „Grandan tagon de civitana agado por la sendependeco kaj paco”. Ĝi alvokis ĉiujn Francojn, kiuj amas sian patrion kaj pacon, ke ili arangu vastan kampanjon el kiu delegitoj el ĉiuj tavoloj de la popolo prezentu al siaj urbestroj kaj magistratoj rezoluciojn de la popolo por la sendependeco kaj paco en Francio. Ankau la Franca Esperantista Packomitato aktive partoprenis tiun ĉi kampanjon. En Flugfolio dis-

tribuita inter francaj esperantistoj, ĝia sekretario W. Gilbert diras: ke ĉiu disĉiplo de d-ro. Zamenhof, scianta el siaj internaciaj rilatoj sen la lingvaj baroj, ke ĉiuj popoloj volas la pacon, devas nun laŭte diri sian volon, por plifortigi la pacvolon de la franca popolo. Li vokas la esp-istojn, turni sin al la uzinaĵ kaj lokaj packomitatoj, aŭ sendi rekte al la Franca Esperanto Packomitato siajn dezirojn kaj petojn por la paco.

P A C I L O

Esperanto - la lingvo internacia estas frukto de profunda sopiro k. alta idealo de la aŭtoro ekstermismiskomprenon. Tial ni esperantistoj vidas en ĝi la plej necesan kaj neeviteblan fundamenton por mondopaco.

Esperantistoj de ĉiuj mondpartoj, kiuj volas sekvi nian majstron, inspirataj de lia frata spirito, ne povas stari neutralaj antaŭ la granda afero - Mondopaco.

Tial, tutmonda esperantistaro unuigu per Esperanto por Mondopaco!

Kristófer Grimsson membro de la konsilantaro de Kontraŭarmea Movado en Islando.

KRISTINN E. ANDRÉSSON, membro de la Mondpaca konsilantaro

skribas al la islanda redakcio de la MEM-organo, PACO, jenan leteron:

Karaj amikoj! Mi deziras esprimi mian plezuron pro tio, ke via Esperanto-gaz. PACO, tiufoje estas eldonata en Islando.

Estas klare al mi, kiom grava faktoro komuna lingvo povas esti kreoskiganta komprenon kaj amikecon inter nacioj kaj per tio fortigi fortojn de paco kaj pacvolemon en la mondo. Ĉe kongresoj kiam kunvenas delegitoj de plej malsimildevajn nacioj estas la plej malfaciliga baro, ke ĉiuj nacioj ne komprenas komunan lingvon.

Estas plezuro al mi scii, ke inter islandaj esperantistoj estas la plej antaŭaj pacbatalantoj ĉilandaj, kiel la verkisto Torbergur Torðarson kaj aliaj.

Vivu la paco kaj kunlaboro inter ĉiuj nacioj!

Kristinn E. Andrésón

Ambaŭ ĉi supre menciitaj leteroj estas prenitaj el islanda PACO.

## NIA KAMPANJO PROKSIMIĜAS

Ordinare dum la belaj someraj tagoj la organiza vivo stagnas, ĉar la homoj preferas iri en la naturon, anstataŭ viziti kunvenojn kaj klubajn vesperojn. Kvankam tio por la societa vivo domagas, tamen tio estas pardonebla kaj komprenebla. Sed same kiel en aliaj organizoj, ankau en la esperantistaj ekzistas multaj membroj, kiuj eĉ dum la autunaj kaj vintraj tagoj opinias, ke ilia ĉeesto ne estas necesa, ke aliaj anstataŭos ilin, kaj restas for de nia movado. Speciale ofte tiel opinias malnovaj, perfektaj kaj plinaljunaj niaj ge-kamaradoj.

En la partio oni nomas tian konduton „Opportunismo“ kaj akre baltalas kontraŭ ĝi, ĉar oportunismo ege domagas al la organiza vivo. Se la gvidantoj de fortaj organizoj timas tiun ĉi oportunismon, kial ne ankau ni, esperantistoj, vidugin kaj klopodu ekstermi tiun dangeron el niaj vicoj? Kion utilas al nia movado miloj da perfektaj esp-istoj, kiam ili trovigas ekster la kadro de niaj organizoj -kiam ili ne trovas necesa almenaŭ unufoje dum la semajno aŭ dum du semajnoj partopreni niajn kunvenojn kaj klubvesperojn? Kion utilas la senlaca klopodo de kelkaj fidelaj, kaj aktivaj gekamaradoj, kiuj daŭre arigas ĉirkau si novajn adeptojn por nia ideo, se tiuj, venante en la klubon renkontigas nur kun komencantoj kaj ne havas eblecon audi paroli perfektajn malnovajn esperantistojn? En iliaj cerboj naskigas la penso, ke estas veraj la kalumniaj paroloj, disvastigitaj de niaj kontraŭuloj, ke Esperanto estas eksperimento iluzia, kiu ne havas estontecon, ke ne ekzistas faktaj esperantistoj, farigas fiksa kredo, se ili ne vidas malnovajn, spertajn esp-istojn inter ni. Kaj kredo, ke ankau tiuj kelkaj aktivaj gekadoj, nauzigitaj pro la neintereso de aliaj, foje povus lacigi, kio poste kondukus al memlikvidigo de nia movado. Estas vere domago, ke ni devas uzi tioman lokon de nia bulteno, kiun ni urge bezonus por pli gra-

vaj raportoj, sed necesas absolute ke ni foje voku la konsciencon de tiuj esp-istoj, kiuj per sia indiferenteco grave minacas nian movadon, dum aliaj ofertas ĉiujn siajn fortojn por ĝia resanigo.

La sezono de nova societa vivo rapide alproksimiĝas. Necesas, ke jam de nun ni faru ĉiujn necesajn preparojn por ĝia sukcesalporta procedo. Multaj grupoj eĉ dum someraj tagoj diligente laboris por nia afero, sed nun necesas, ke ankau tiuj, kiuj longe ripozis ĝinte la belan naturon almetu siajn manojn por konstrui nian verkon! Kvankam ne en ĉiuj lokoj de nia lando Esp-o renkontigas kun simpatio oficiala, tamen oni nefacila povas rifuzi lingvon, kies tasko estas servi al la mondopaco. Tion devas niaj propagandistoj dum ilia agado forte akcenti. Ili devas klopodi en ĉiu loko atingi amikcan kontakton kun la nac.packomitatoj por doni Esp-on en la servon de la paco. Se ni deziras, ke nia movado est aprobata kaj nia agado oficiale subtenata, tiam necesas aktivigi ĉiujn niajn gekadojn, por ke nia movado antaŭ ĉio farigu per sia amplekseco respektinda. Jam nun ni devas kolekti la adresojn de novaj adeptoj, por inviti ilin poste al niaj autunaj kursoj. Ni devas elekti kaj eduki instruistojn, kiuj kapablos pedagogie kaj psikologie eduki novajn samideanojn. Nia administracio faras ĉion eblan, por povi liveri la necesajn lernolibrojn, eĉ se tiuj estus nur ciklostilataj.

En lokoj, kie niaj kadoj posedas klubojn, estas tre rekomendinda, prepari kursojn por infanoj. Interni estas multaj profesiaj instruistoj-esp-istoj, kiuj povas multe helpi en tiu afero. Aliel ni kontaktu kun la infanoj, rekte. Ni klopodu enpenetri ankau la sindikatojn, junular -kaj ceterajn organizojn, en kiuj jam de nun kapablaj kadoj prezentu siajn eksterajn raportojn, por prepari la kampon por niaj autunaj kursoj. Se ĉiuj, inkluzive la ĝis nun pasivaj kadoj eklaboros, la sukcesoj nin certe poste kontentigos.

R. Burda

FINEFINE ĜOJIGA KOMENCO

Antaŭ la ĉiela pordo staras homo.  
 Demandite pri deveno, lia nomo,  
 time montras li libregon de pas-  
 porto  
 kun permes-atestoj por la hom-  
 transporto  
 trans la iom multaj limoj sur la  
 tero  
 inter landoj, maroj, eĉ en la aero.  
 Ankaŭ estis enŝtampitaj multaj  
 vizoj,  
 kompreneble nur post pago de ko-  
 tizoj.  
 Limoj donas bonintence-kron evito  
 de l. senlaboreco- iom da profito.  
 Sankta Petro, pri la libro laŭte  
 ridas:  
 „Senerare, tute klare mi ekvidas  
 jam de malproksime, malgrau eĉ ni-  
 ope,  
 tiu povra homo venas el Eŭropo !”  
 Por ekstermi sur la tero la mal-  
 klaron,  
 la „Ĉiel-ofico” sendu la deklaron:  
 „Ni informas vin en nom de  
 „Tutĉielo”  
 ke en niaj regionoj estas „LIMO”  
 same nekonata vorto kiel „TIMO” !  
 Tial estas por „Teranoj” post la  
 morto  
 tute superfluaĵ vizo kaj pasporto !”

De Josef BURGER, Sarlando

ESPERANTISTOJ  
EN ĈEĤOSLOVAKAJ POPOLKONSILANT  
AROJ.

Dum la tutŝtataj balotoj por la  
 popolkonsilantaroj/Naciaj koni-  
 tatoroj/en Ĉeĥoslovakio estis el-  
 elektitaj en la regionan konsilan  
 taron de urbo Olomouc por la 55.  
 distrikto, k-do. J. Vašek, prez. de la  
 Esp.-rondeto ĉe la uzina klubo de  
 fervojistoj en Olomouc. En la sama  
 urbo estis elektita k-dino K. Hlo-  
 bilová por la urba konsilantaro.  
 Por la distrikta konsilantaro en  
 Nový Jičín estis elektita k-dino  
 Marta Hřčková, gvidantino de Esp-  
 klubo ĉe Uzinoj TATRA en Kopřiv-  
 nice. En la popolan konsilantaron  
 de la kvartalo Ostrava-Zábřeh es-  
 tis elektita k-do. Jindřich Velký,  
 membro de la loka Esperanto-rond-  
 eto. Ni gratulas al la novelekti-  
 taj gekamaradoj en la espero, ke

ili sukcesos ankaŭ por Esperanto  
 esti helpenaj el la titolo de i-  
 liaj honoraj funkcioj.

Nia redakcio havas eminentan  
 intereson, ekscii ankaŭ, kiuj gek-  
 doj estis elektitaj en aliaj lo-  
 koj de nia lando.

El „INFORMILLO”-Haná-Jeseníky

TUTMONDAJ POŝTISTOJ ATENTU !

La ĉeĥoslovaka ministerio de  
 poŝto kaj telegrafo oldonas pere  
 de la poŝtista sindikato fakan  
 gazeton nomitan „SPOJ”/Komunik-  
 ilo/, kiu raportas pri la vivo k.  
 laboro de poŝtistoj.

Dum konferenco de la redakcio  
 kun la legantoj multaj poŝtistoj  
 esprimis la deziron, ke la redak-  
 tatoroj apenigu pli da raportoj  
 pri la vivo kaj laboro de ekster-  
 landaj poŝtistoj, se eble kun  
 bildoj, kaj precipe el landoj ka-  
 pitalistaj. La ĉefredaktoro res-  
 pondis, ke bedaŭrinde por tio man-  
 kas la necesa uzbla materialo.

Ceestinta esp-k-do. aligis kaj  
 proponis, ke li estas preta la  
 koncernen materialon prizorgi,  
 sub la kondiĉo, ke sub ĉiu de li  
 liverota raportoj estu menciata  
 la nomo de la aŭtoro kaj la Esp-  
 rondeto, kiu la raporton peris.

La ĉefredaktoro konsentis kaj pro-  
 mesis, ke ĉiu konvena raportoj es-  
 tos publikota kaj krome la redak-  
 cio liveros po l. ekz. al la aŭtoro

Ĉar al ni tute mankas eblecoj,  
 por montri praktike la valoron de  
 Esperanto, estas tiu ĉi okazo por  
 ni altsignifa.

Ni pro tio petas niajn legantojn,  
 prezenti ĉi raporton al ekster-  
 landaj poŝtistoj kun la peto, ke  
 ili sendu siajn raportojn kun Esp-  
 traduko pri sia vivo, faklaboro k.  
 pacmovado en la granda, tutmonda  
 poŝtista familio por nia redakcio  
 „SPOJ”, se eble akompanate de fotoj  
 por publikigi. Ni ankaŭ prizorgas  
 kolektivajn korespondadon kun eks-  
 terlandaj poŝtistaj organizoj.

Tiu ĉi entrepreno estas la unua  
 paŝo por atingi pli poste eble el-  
 donon de ĉeĥoslovaka esperantista  
 poŝtnarko.

Skribu al: Poŝtista Esperanto-Ron-  
 deto, Krajská správa spojů, Tylova ul.  
 P L Z E Ń, Ĉeĥoslovakio.

DU ESPERANTO KONGRESOJ

En majo okazis kongreso de tutŝtataj Esp-rondetoj, kiun aranĝis la Esp-rondeto en urbo Přerov. Nun ni povas legi en la Bulteno de Esp-klubo en Praha n-o.16. kaj en HEROLDO de Esperanto/1. julio/, ke en septembro okazos denove Tutŝtata kongreso de ĉsl. esp-istoj en urbo Otrokovice, kiun kunvokas uzina rondeto de ROH el Otrokovice. La PACDEFENDANTO preskau ne havas en tiu urbo abonanton! Estas interesa, ke ĉiuj programoj sub nia losungo: PER ESPERANTO POR MONDPACO, kvankam ni ĝis nun nenion eksciis pri ili aj agoj en tiu senco. La esp-istaj pacdefendantoj certe bonvenigus ĉiun entreprenon, se ĝi estus sincere opiniata, sed ĉi tie ŝajnas io ne esti en bona ordo.

Unue estas superflua, aranĝi dum unu jaro du kongresojn kaj due estas dubinda, kiu iniciatas tiajn arangojn, ĵus en la tempo, kiam ankoraŭ necesas labori formike kaj ne tro brue por antaŭ ĉio konstrui firman fundamenton, necesan por nia estonta agado. Antaŭ ĉio necesas eduki verajn esperantistajn pacdefendantojn por povi poste publiki kaj sentine prezenti ilin amase al tiuj, kiuj ĝis nun malfavoras nian movadon. Ne sufiĉas nur ŝangi la firmaon kaj prezenti malnovan inventaron, kiu antaŭ 3 jaroj subigis al inspirita preteksto, ke Esperanto jam finludis sian rolon en CSR kaj nen likvidigis.

De tiu tempo la pacmovado esperantista komenciĝis en nia lando sian agadon kaj ĝis nun sukcesplene progresis. Ĝia ĉefa merito estas, ke ĝi per sia persista kaj celkonscia agado preskau sukcesis forigi, la tiam de oficialaj organoj klare esprimitan tendencon, likvidi Esperanton en Ĉeĥoslovakio.

Nun venas al la scenejo aliaj homoj, kiuj klopodas alproprigi al si tiujn meritojn. HEROLDO de Esperanto kaj la Bulteno de la E-klubo en Praha ankoraŭ ne trovis inda almenaŭ mencii la fondigon de la MONDPACA ESPERANTISTA MOVADO/MEM/ La enhavo de tiuj organoj estas konstante la sama. Stranga estas ilia "NEUTRALECO" inter paco kaj la milito. La INTERNA IDEO de d-ro LL. Zamenhof restas al ili fremda. La ĉsl. esperantistoj-pacdefendantoj

ankoraŭ ne aranĝis tutŝtatan kongreson, sed ili laboras kolektive kaj individue por eduki antaŭ ĉio bonegajn kongresantojn. Alimaniere kongreso, duĝ la nuna situacio, povus nur kaŭzi fiaskon kaj eĉ minacantan endangerigon de nia ĝis nun bone prosperanta esperantista pacmovado. R. Burda

OSTRAVA FUNEBRAS

Ĵus antaŭ la redakcia fino atingis nia ege malgaja raporto pri la morto de nia fiŝola k-do.

Alois KUBALA en Ostrava Post longdaŭra stomaka malsano la 11an de julio je la 11 1/4 horo li elopiris sian animon. La solena funebra ceremonio okazis la 13/7. je la 16 horo en la krematorio de urbo Ostrava, kiun partoprenis ĉiuj esperantistoj.

K-do. Kubala estis esp-igito de la jaro 1906. En 1921 ankoraŭ kun aliaj k-do. la fondis la klubon en Sleská Ostrava. En 1946 li kunfondis duan klubon en Ostrava-Zábřeh. Pere de li estis tie inaugurita Esperanto-monumento honore al J. A. Komenský kaj 1-ro. Zamenhof. Malgraŭ sia grava malsano, k-do. Alois Kubala entuziasme partoprenis la Esp-movadon kaj ankoraŭ ligita al malsanula lito li verkis porpacajn poemojn kaj instigis per leteroj siajn amikojn al persisteco kaj aktiva laboro ĝis la lasta momento antaŭ la morto. Antaŭ kelkaj tagoj li ankoraŭ sendis 10.-Kĉs, kiel "MUNICION POR NIA BATALO".

Ĉiuj esp-pacdefendantoj alte estimas kaj honore memeros lian imitindan agadon. Nia redakcio esprimas sian dankon por lia kunlaboro kaj profundan kondolencón al lia estimata familio.

NIA MIGRANTA BIBLIOTEKO

Ĝis la 20 de junio donacis al nia biblioteko niaj legantoj 50 librojn. La dispruntado jam funkcias, kaj la intereso pri la libroj, kiuj estas plejparte ne akireblaj, eksterlandaj novaĵoj, daŭre kreskas. Interesuloj petu katalogon por elekti libron ĉe nia bibliotekisto: Kdo. Alois Zneškal, Praha I, Celetná ĉ.2. Krome ni ankoraŭ petas pri donaco de rezervaj libroj kaj broŝuroj por forigi la mankon de literaturo en CSR. Al eksterlandaj k-do. ni rekompencos per

## NIA MOVADO EN ĈEĤOSLOVAKIO

TRINEC, la 20. de junio okazis tradicia ekskurso al monto Ĉantoria, kie okazis konferenco de esperantistoj el la regionoj Ostrava kaj Olomouc. Detalan raporton la redakcio ne ricevis.

PRIBOR, de la 18-31 de julio okazos Somera Esperanto Kursoj sub gvido de k-do, Theodor Ĉejka. Kursotizo, mangado kaj logado kostos 320-350 Kčs. Kiu gustateme aligos ricevos 50 % fervojrabaton. Informu vin ĉe: k-do, Antonín Sattler, Dvořákova 744, Příbor, Moravio.

OPAVA, la 3. Somera Esperanto Kursaro sub tendoj en valo de rivero Moravice, Silezio, okazos en 3 terminoj de 5 julio - 15. aŭgusto 1954. La 14 taga tendara vivo kun mangado kaj kursotizo kostos 200-220 Kčs. Detalajn informojn petu ĉe: k-do, Jar. Kuzník, Rooseveltova č. 17, Opava, Moravio.

PREROV, tutŝtatan konferencon de E-rondetoj, okazinta en majo, partoprenis 187 delegitoj el 51 lokoj. La interkonatigan vesperon ĉeestis ĉ. 260 personoj. Inter la ĉefaj programpunktoj estis "intensiva laboro per Esp-o por la mondpaco. Partoprenis oficialaj reprezentantoj de la urba kaj regiona Nacia Komitatoj, kiuj promesis al la Esp.-movado de -diĉi pli intensivan subtenon.

SKORONICE, k-do. Lunga ellernis tie kelkajn junulojn kaj promesas en aŭtuno tie fondi Esp-rondeton.

OSTRAVA, la prelegoj de k-do Jos. Pech el Plzen, okazintaj en nia regiono tr bone sukcesis. Krome okazis priesperanta parolado en najbara urbo Místek, du estis ĉe la kultura klubo en Zábřeh kaj aliaj du en la kult. klubo de la uzino V. Molotov. Dum la reveturo k-do. Pech ankoraŭ parolis en la urbo Olomouc. La paroladon jam abonis reprez. de la kult. klubo en urbo Hlučín por la aŭtuno.

HRADEC u OPAVY, en nia urbo okazos la tutŝtata konferenco de E-Junulago la 1. de aŭgusto. Interkonatiga vespero estos sabate la 31. de julio. Partoprenontoj ricevas 50 % fervojrabaton. Aligu ĉe k-do, Jaroslav KUZNÍK, Opava, Rooseveltova 17.

OLOMOUC, la klubo denove kunvenadas en sia lama klubejo, Masarykplaco 25/II ĉiu jaŭde de 19. horo. La junularo ĉiu marde de 18. horo. Ĉ. BUDEJOVICE, nia klubo translokiĝis el Sumavská str. 250 al str. Máchova n-o. 280.

Místek, okaze de la laborkonferenco de Esp-rondetoj el la regionoj Ostrava kaj Olomouc, fondigis nova Esp-rondeto ĉe la uzina klubo SLEZAN en urbo Místek.

PRAHA, la kunvenoj de la klubo okazas ĉiu merkredo de 20 horo en "Ženský Klub", Praha II - Smečky. NI PETAS, ĈIUJN LEGANTOJN SENDI AL NI BALDAŬ SIAJN RAPORTOJN POR NIA VENONTA ELDONO.

## PRI D-RO BEN C A S S

Kun bedaŭro ni devas konstati, ke tiu ĉi d-ro. nur volis eluzi nian helpon kiam al li ne prezentis aliaj pli bonaj avantaĝoj. Dum lia ŝipvojaĝo li treverŝajne aligis ĉe delegacio de australiaj pacdefendantoj por partopreni la konferencon en Berlino, de kie li jam sendis al sia amiko Bennett en Australio saluton. Kvankam niaj k-doĵ en diversaj lokoj kaj landoj ĉion pre-paris por ebligi al li prelegojn kaj agrablan gastigadon, la d-ro eĉ ne trovis inda ilin almenaŭ informi per simpla poŝtkarto pri sia vortrompo. Kelkloke niaj gekamaradoj al li dankas pro la rikoltita fiasko, kiu instruis nin, esti en la estonto malpli fidemaj al similaĵ proponoj, por ne rikolti denove ridon kaj fiaskon. Ni estas scivolenaj, ki- el respondo lia amiko St. Bennett, kiu la aferon peris, je nia plendo.

## E L B U L G A R I O

La 27-28. de marto 1954 ĉeestis la jarkunveno de la BULGARA ESP. KOOPERATIVO 59 kooperativanoj el diversaj lokoj de Bulgario.

En la jarraporto la direktoro de la BEK komunikis pri plibonigo de la financa stato kaj plimultigo de kooperativanoj. Post fermo de la oficiala kunveno okazis ne oficiala konferenco de Bulgara Esperanto Asocio, kiun partoprenis 20 gekdoj. Post debato pri la bulgara E-movado kaj politika situacio la ĉeestintoj decidis, prepari eldonadon de multobligota informaj bulteno. Se tiu ĉi decido efektiviĝos, la bulgar. esp-istoj kredas, ke la landa Esp-movado tre baldau envicigos la fronton de la tutmondaj pacdefendantoj.

Liubomir Leviĉaroff  
Ul. "Iu Nenof" 13, PAZARĜIK, Bulgar.  
VARBU NOVAJN ABONANTOJN por L.P.!





K O R E S P O N D I D E Z I R A S :

Unufoja korespondanenco kostas 2.-Kĉs aŭ 3 int.resp.kuponojn.Ĉiu anoncanto estas devigata almenaŭ unufoje respondi al ĉiu petanto. Niaj eksterlandaj legantoj estas petataj interpreti vastan korespondeblecon,ĉar tiu grave kontribuas al internacia solidareco kaj firmigas la mondpacon.

K-do.POWIDZKI Tadeusz,profesoro de liceo,de belaj artoj,SZCZECIN al Piastów 1,m 8,Polio,kun tuta mondo pri muziko,arto,literaturo kaj pentrado.Certe rap.resp.

K-do.Vojín,Václav HUTTER, PS 3, DOBRUSKA u Náchoda/soldato/pri pacnovado.Interŝ.il.p.k.,k.ĉ.l.

K-do.Václav REISER,Telegrafní dílna, Selní č.20,PLZEN,Ĉehoslovakio,interŝ.filatele afr.il.pk.uzitajn kaj ne uzit.pn.kun č.l.

K-do.B.ENOMOTO,Laifan Singu,WAKAYAMAKEN,Japanio,pri sociaj kaj politikaj aferoj.

K-do.Jindřich VONDRÁČEK,Radyňská ul.č.325,STARÝ PLZENEC,Ĉehoslovakio,/19jara stud./kun ĉiuj landoj,interŝ.il.pk.,gaz.ktp.

K-do.Seinosuke KATO,Ĉiriu-naĉi,Hekkai-gun,Aiĉi-ken,Japanio,/39jara oficisto de komunumo/kun ĉiuj landoj.

K-do.Pavel LIPKA,Luční č.50,PLZEN,Ĉehoslovakio,/gardenisto/kun ĉiuj landoj pri pacnovado,interŝ.il.p.k.,certe respondas.

K-do.Kiril Viĉev KOLEV/21 jara/Pod.45280,STANKE DIMITROV,Bulgario,pri ĉiuj tenoj,interŝang.il.p.k.Respondas certe.

I.letervespero de Esp-Junularo en Olonouc okazos la 31.de aug.Salutkartojn kaj leterojn sendu al k-do. Miloš RUDOLF,Wanklewa č.14,OLOMOUC,Ĉehoslovakio.Ĉiu ricevos respondon kaj kor-anton.

K-do.Jan PFEFFER,Třída kpt.Jaroše č.25/III,KLATOVY,Ĉehoslovakio Il.p.k.,gaz.ktp.kun ĉiuj landoj.

K-do.Josef KAMENÍK,Komenského č.852,HULÍN,Morava,Ĉehoslovakio,per il.p.k.,let.,interŝ.p.n.kun ĉiuj landoj kaj sportgazetojn.

La k-do.promesas nepre respondi.

K-dino.Božena KAMENÍKOVÁ,Komenského 852,HULÍN,Morava,Ĉehoslovakio,koresp.kaj interŝ.il.p.k.nodajn gazetojn kun ĉiuj landoj.

K-do.A.Strobl,Sladkovského č.67 PLZEN,Ĉehoslovakio,nur p.m.novajojn kun Austrio.Korespondas germane kaj esperante.

K-do.Ivan KOLEV,Str.Dinju Nojkov No.11,NOVA ZAGORA,Bulgario,22jara gimnasiano,pri ĉiuj tenoj kun ĉiuj landoj.Certe respondas.

K-dino.B.ENEKER,Kerstrupvej 62,KOPENHAGO-VALBY,Danmarkio, pri ĉiuj tenoj kun popolden.landoj.

Sia 11 jara filino korespondas kun infanoj per il.p.k.

K-do.Jean DALET,79 bis,rue de Chateau,ASNIERES,/Seine/Francio interpretas ŝangon de poŝtnarkoj ĉefe kun popolden.landoj.Afran-ku filateliste !

K-do.Petro BORISOV,ALEKSANDROVO,Svištorsko,Bulgario,kun č.land.

K-do.Jasques DONARD, 5 rue de la Prevajance,Villeurbanne,/Rhone/Francio,petas por ekspozicio arangota en decembro: let.,p.k.,fotojn,afiŝojn,librojn ktp. Mi deziras ankau ricevi raportojn pri laborista vivo,vivkostoj,

bataloj ktp.por represi en francaj jurnaloj.Laŭ ebleco ni rekompencos per franca materialo.

K-do.V.KOLÁČEK,vedoucí,Dům Osvěty/Domo de kulturo/ BILINA,Ĉehoslovakio,kun ĉiuj landoj pri pacnovado kaj kulturo,interŝang.il.p.k,afiŝojn,gvidlibrojn.

K-do.Borislav Angelev V E L E V,„Stalin“5,GOCE DELĈEV, Bulgario, petas por ekspozicio,komunistan kaj porpacan materialon:gazetojn,afiŝojn,portretojn de partigvidantoj,fotojn kun esp.klarigoj.

---

Eldonis: Závodní klub ROH-odbor ESPERANTO, TATRA,n.p.KOPŘIVNICE.  
Redaktis: K-do.Rudolf BURDA,Palackého náměstí č.6, PLZEN, Č.S.R.

Č E Ĥ O S L O V A K I O

---